

Fundacion Adopt an Addict

Sra. Audrey Croes Lacle a regresa di su bishita na Hogares Crea Santo Domingo

STA. CRUZ –Recientemente un delegacion chikito a sali pa Republica Dominicana hnto cu un cantidad di pacientnan pa tuma nan tratamiento di rehabilitacion na Hogares Crea na Sto. Domingo. E delegacion a bishita diferente cas di Hogares Crea na Santo Domingo, unda nos hendenan a bay biba. Sra. Audrey Croes - Lacle a conta di e viahe cu el'a haci ultimo y ta considera esaki uno hopi fructifero cu hopi speranza pasiguicuetrabao di rehabilita adictonan cu tin na Aruba. E proyecto aki ta traha man den man cu e famia cu tambe ta hunga un rol importante den rehabilitacion di e familiar. Tambe e pais Aruba mester siña con pa acepta e adictonan aki bek, na momento cu nan regresa Aruba. Especialmente pa locual ta trata un trabao digno y sin discriminacion

of stigmatizacion. Segun sra. Audrey mester di mucho mas hende pa sigui yuda financia e proyecto aki. E fundacion a hasta bay busca mas compania grandi yuda cu e proyecto admirabel y bunita aki. E bishita na Santo Domingo di Adopt an Addict a keda 4 dia trabao intenso cual tabata for di dia 28 Augustus pa dia 2 di September. Nan a bishita y conversa cu e Arubianonan cu ta kedando na e diferente lugarnan na St. Domingo. Tambe e delegacion cu ta pertenece na e Fundacion Adopt an Addict a cera conoci cu diferente tarea y tambe diferente curso cu Hogares Crea ta ofrece pa siña esnan ey den un ofishi. Pa asina cu nan regresa Aruba, nan por haya un trabao facil door di nan experiencia y nan por mantene nan mes. Hogares Crea no solamente ta yuda duna support na e

pacient cu ta rehabilitando pero tambe ta duna nan un speranza pa bira hendenan cu por duna un aporte na e comunidad. Sra. Audrey ta conta cu ora un hende ta ocupa den su 'afkick' prome 4 pa 8 siman ta e mas dificil cu tin. Locual cu e delegacion a bin confronta cu ne ta esnan cu ta rebeldea cu no nan kier a keda mas pa sigui nan tratamiento. Nan ta pasa den temponan hopi dificil, pero e hogar ta dunanan hopi apoyo y tambe ta trata cu e famia. Especialmente na momento cu tene contacto cu e familiar na e hogar pa no duna nan mal noticia na telefoon, mientras cu nan ta 'afkick'. Esaki ta pone nan bira mas instabil y mas gana nan di bay bek Aruba. E delegacion a reuni cu tur esan cu ta na Sto. Domingo y un di nan cu mas a hala atencion ta e conocido pa tur hende, Natalee.

Na momento cu nan tur a sinta hunto pa papia y duna nan experiencia na Santo Domingo, e prome cu a lanta pa papia ta Natalee. Natalee a conta con el'a siña traha bolo y koeki den e institucion di Hogares Crea. Tambe e ta muestra hopi positivo y contento con e ta mehorando tur dia bay. Locual ta yuda Natalee hopi ta su manera, su personalidad y su caracter bunita cu e tin, pesey nunca tabata tin problema cune. Natalee ta un di esnan cu for di Mei e aña aki a bay rehabilita. Pues por conta cu Natalee por bin hasta traha den pasteleria. Sra. Audrey ta comenta con un hende ta haya un oportunidad cu kizas nunca el'a sinta pensa cu e lo por a siña traha den un pasteleria y esaki ta duna e persona mas animo pa sigui dilanti. Tin cu kizas no tin mucho school pero por yuda den

cushina of den limpieza etc. trabao tin. Mester duna nan tambe e oportunidad. Tin un cantidad di 12 pa 13 persona den pipeline pa bay atrope, pero awor aki Fundacion ta ocupa actualmente cu drechamento di papelnan necesario, p.e. paspoort etc. Sra. Audrey Croes Lacle a bisa cu si nan logra haya e sponsornan pa e aña aki, ainda por manda pa December un 50 hende mas. Tin den Hogares Crea un dama Arubano cu ya tin 7 aña na Santo Domingo y el'a haci e lugar su hogar. E dama ta bisa cu e tin gana di bay bek Aruba, pero e ta bisa tambe cu Aruba no ta cla pe. Ta pa e motibo ey e ta prefera di keda ey pa sigui yuda su hendenan! Aki por mira cu nan mes ta sinti cu si na bay Aruba, nan por wordo discrimina y si algo bay fout nan por wordo stigmatiza.

Yiu homber a pusha su mama y coy tubo pa dale cune

STA. CRUZ -- Asistencia di polis a wordo pidi dialuna atardi pa 3:30 na un cas na Boegoeroei, unda e mucha homber J.F. di 15 aña, a bira di remate y a maltrata su mama y casi a dale cu tubo. Na e cas polis a papia cu e mama C.K.F. naci na Aruba di 39 aña, kende a bisa polis cu su yiu homber J.F. a bringa cu su ruman muher, door cu e ruman muher a coy un pida pan di Subway for di dje. E ruman a rabia y e mama a hala su atencion. Despues e mama a bay papia cu e wela. Na momento cu e mama a bay papia cu e wela, J.F. a rabia y a bisa e mama cu e ta bay

cas. E mama a mustre cu e no ta bay cas y ta ward'e y a bis'e sinta warda te ora cu e bin cla. J.F. no a gusta esey y a sali pavor. El'a drenta den e auto, sinta tras di stuur y pone e auto den reverse. E mama C.K.F. a sali pafor y discuti cu e yiu soberbe aki. El'a rabia y baha for di e auto y a laga e auto den reverse y e porta habri, mientras cu tabata tin un mucha chikito sinta den e auto. E auto a core bay dal den un pilar di beton y e porta habri a wordo completamente destrui. Glas di e porta a spat tur rond. E mama a rabia y a pasa e yiu J.F. un wanta, pero J.F. a contesta

e mama cu un mokete den su cara y despues a pusha e mama cu el'a cay riba un baki mata y tambe riba glas. E mama door di esaki a corta su braza. Mientras cu e mama tabata benta abao, J.F. a coy un pida hero y kier a dal e mama cune, pero un primo cu a yega cerca a kite for di dje. Polisnan a yega y a papia cu e yiu pero nan a mira cu e tabata hopi rebelde y exita. E tabata zundra henter e famia. Polisnan a detene y a hibe warda di Noord, unda tanto polis como Wachtcommandant a pon'e na ordo. E mama no kier a duna keho contra dje.

SdU ta denuncia cu Gerencia di Cable TV ta trata di intimida su empleadonan

STA. CRUZ – DENUNCOMUNICADO DI PRENSA SINDICATONAN DEN UNION – SdU TA DENUNCIA CU GERENCIA DI CABLE T.V. TA TRATA DI INTIMIDA E TRAHADORNAN DI E COMPANIA CU TA HACIENDO USO DI NAN DERECHO SAGRADO DI HAYA REPRESENTACION SINDICAL DI UNION ELECTRICISTA ARUBANO – U.E.A. TA INACEPTABEL E ACTITUD

AKI Y SdU TA URGU PA GERENCIA DI CABLE T.V. ABSTENE SU MES DI E PRACTICANAN ANTI-SINDICAL Y ASINA PREVENI INTRANKILIDAD LABORAL. DIRIGENTENAN DI SdU TA APOYA E DECISION DI E TRAHADORNAN DI CABLE T.V. PA UNI PA LUCHA PA NAN DERECHONAN WORDO RESPETA.